



---

**AGENCIJA ZA RAD I ZAPOŠLJAVANJE  
BOSNE I HERCEGOVINE**

**u skladu sa Protokolom o saradnji sa  
Ernst & Young d.o.o. Sarajevo**

**objavljuje**

**JAVNI POZIV**

**za prijavu za obuku u okviru  
Projekta „Tvoja karijera počinje ovdje“**

---

Projekat se realizuje u skladu sa Protokolom o saradnji sa Ernst&Young d.o.o. Sarajevo

**Ukratko o Ernst&Young:**

EY je globalni lider u pružanju usluga revizije, poreskog savetovanja, poslovnog savjetovanja i podrške pri poslovnim transakcijama. Cilj kompanije je da pozitivno utiče kako na poslovanje tržišta, tako i na društvo u cjelini. Izdvajaju se po tome što pomažu svojim zaposlenima, klijentima i zajednicama da ostvare svoj potencijal.

Globalna strategija kompanije jeste da zapošljava mlade, ambiciozne ljude. U tom smislu, žele da pronađu i dođu do mladih talenata na teritoriji Bosne i Hercegovine, koji posjeduju vrednosti kompanije i koji žele da rade i razvijaju svoje karijere u oblasti rada kompanije.

**Opis i cilj projekta:**

Osnovni cilj projekta je davanje mogućnosti mladima da steknu praktična znanja i vještine koje će im omogućiti konkurentnost na tržištu rada i mogućnost stipendiranja i zaposlenja.

Projekat će biti realizovan kroz obuku, čiji cilj je sticanje praktičnih vještina o primjeni teorijskog znanja stečenog na fakultetu, kao i sticanje timskih, komunikacijskih, prezentacionih i drugih vještina.

Deset najboljih polaznika će dobiti mogućnost obavljanja stručne prakse u Ernst&Young kompaniji, sa mogućnošću zaposlenja u 2015. godini. Studenti nižih godina studija koji se plasiraju u prvih 10 ulaze u proces selekcije za EY stipendiju.

Svi učesnici (120) će dobiti certifikat o pohađanom programu obuke potpisan od strane EY i Agencije za rad i zapošljavanje Bosne i Hercegovine, Federalnog zavoda za zapošljavanje, J.U. Zavoda za zapošljavanje Republike Srpske i Zavoda za zapošljavanje Brčko Distrikta BiH.

**Uslovi za kandidate:**

▪ **Status :**

Svi zainteresovani kandidati, državljani Bosne i Hercegovine, koji ispunjavaju uslove navedene u ovom javnom pozivu.



▪ **Obrazovanje :**

- Nezaposlena mlada visokoobrazovana lica do 3 godine od diplomiranja (sa diplomom iz ekonomskih, pravnih, tehničkih, mašinskih, saobraćajnih, matematičkih fakulteta, fakulteta menadžmenta, državnih i privatnih fakulteta);
- Studenti ekonomskih, pravnih, tehničkih, mašinskih, saobraćajnih, matematičkih fakulteta, fakulteta menadžmenta, državnih i privatnih fakulteta svih godina studiranja.

▪ **Posebna znanja i veštine:**

- Znanje engleskog jezika na nivou B2 – C1 (finalna biznis simulacija će najverovatnije biti na engleskom jeziku)

**Naziv obuke:** Projekat neformalne edukacije za nezaposlena lica i studente u BiH

▪ **Lokacije i trajanje obuke i broj učesnika:**

Projekat će se sprovoditi u 5 gradova: Sarajevo, Mostar, Banja Luka, Bijeljina i Tuzla. U svakom gradu će se održati po jedna radionica u trajanju od po dva radna dana za grupe od po 20 ljudi, osim u Sarajevu gde će biti dvije grupe.

▪ **Troškovi prijevoza:**

Učesnici obuke sami snose troškove prijevoza od mjesta boravka do mjesta obuke, dok će E&Y snositi troškove prijevoza za 20 učesnika finalnog takmičenja.

▪ **Troškovi ishrane:**

Učesnici obuke će imati obezbijeđen lagani ručak i osvježenje

**Način prijavljivanja i selekcije kandidata:**

- Zainteresovani kandidati svoju biografiju (CV) na engleskom jeziku trebaju dostaviti ISKLJUČIVO kompaniji Ernst&Young na mail: [hr.bih@rs.ey.com](mailto:hr.bih@rs.ey.com)
- Sa pojedinim kandidatima (ukoliko bude bilo potrebe) će biti obavljen telefonski razgovor - intervju.
- Kandidati koji uđu u uži izbor biće obavješteni od strane Ernst&Young o mjestu i terminu obavljanja obuke.

**Za dodatne informacije o ovom javnom pozivu, kandidati mogu da se obrate Ernst&Young na mail [hr.bih@rs.ey.com](mailto:hr.bih@rs.ey.com)**

**Javni poziv je otvoren do 08.03.2015. godine!**